

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 226369 23 St
Zenica, 11.2.2025. godine

Općinski sud u Zenici, stečajni sudija Samra Spahić-Drino, u stečajnom postupku nad imovinom stečajnog dužnika Auto servis „MAGLIĆ“ d.o.o. Tešanj, sa sjedištem na adresi Rosulje broj 57, Tešanj, matični broj subjekta upisa 43-01-0066-18, odlučujući o prijedlogu za zaključenje stečajnog postupka koji je podnesen od strane stečajnog upravnika a, nakon ročišta održanog 20.11.2024. godine, kojem su prisustvovali stečajni upravnik Vehab Haris, punomoćnica stečajnog dužnika Prnjavorac Selma, stručna saradnica kod advokata Prnjavorac Fuada, Sarajlić Asaf, punomoćnik povjerioca Federalno ministarstvo finansija, Porezna uprava F BiH, Kantonalni porezni ured Zenica, dana 11.2.2025. godine, donio je:

R J E Š E N J E

Zaključuje se stečajni postupak nad imovinom stečajnog dužnika Auto servis „MAGLIĆ“ d.o.o. Tešanj, sa sjedištem na adresi Rosulje broj 57, Tešanj, matični broj subjekta upisa 43-01-0066-18, nakon namirenja povjerioca općeg isplatnog reda u iznosu od 1.163,70 KM, što u procentu iznosi 100 %.

Ovo rješenje objavit će se u „Službenim novinama F BiH“, a dostava se smatra izvršenom istekom pet dana od dana oglašavanja istog.

Pravne posljedice zaključenja stečajnog postupka nastupaju u roku od osam dana od dana objavljivanja rješenja u "Službenim novinama Federacije BiH".

Po pravosnažnosti rješenja o zaključenju stečajnog postupka, naređuje se brisanje stečajnog dužnika iz registra privrednih društava kod Općinskog suda u Zenici, koji je upisan pod MBS: 43-01-0066-18 i svih javnih registara.

O b r a z l o ž e n j e

Rješenjem ovog suda broj: 43 0 St 226369 23 St od 5.12.2024. godine otvoren je stečajni postupak nad imovinom stečajnog dužnika Privredno društvo „IPON BAU“ d.o.o. Zavidovići.

Podneskom od 24.9.2024. godine stečajni upravnik je predložio zakazivanje ročišta za završnu diobu uz dostavu izvještaja o poduzetim radnjama.

Rješenjem od 17.10.2024. godine data je saglasnost za završnu diobu i zakazano ročište za završnu diobu za 20.11.2024. godine. Stečajni upravnik je na ročištu za završnu diobu izjavio da je na dan otvara stečajnog postupka stanje sredstva na računu stečajnog dužnika iznosilo 3.856,27 KM, da su zaprimljene dvije prijave potraživanja povjerilaca Porezne uprave F BiH po osnovu duga za javne prihode u iznosu od 478,84 KM, i Uprave za indirektno oporezivanje BiH po osnovu neplaćenih obaveza za PDV i zatezne kamate u iznosu od 684,86 KM, koji su svrstani u opći isplatni red i prijave priznate. Istakao je da je nakon otvaranja stečajnog postupka unovčena stečajna masa u iznosu od 8.628,20 KM i formirana u ukupnom iznosu od 12.484,47 KM te da sredstva koja su na raspolaganju za završnu diobu, a odnose se na isplatu povjeriocima, namirenje troškova postupka i rezervisanja za završne aktivnosti na dan ročišta iznose 12.271,32 KM. Ukupni dosadašnji i nepredviđeni troškovi (rezervisanja sredstava za završene aktivnosti) iznose 9.028,97 KM, a odnose se na troškove izrade pečata u iznosu od 40,95 KM, bankarske usluge u iznosu od 120,00 KM, računovodstvene usluge uključujući troškove sačinjavanja završnog finansijskog izvještaja u

iznosu od 790,00 KM, troškove predaje finansijskog izvještaja FIA u iznosu od 70,00 KM, troškove objave oglasa za zaključenje postupka u iznosu od 30,00 KM, troškove brisanja dužnika iz sudskog registra, kod UIO i porezne uprave u ukupnom iznosu od 50,00 KM, poštanske usluge u iznosu od 40,00 KM te troškovi za nagradu stečajnom upravniku u bruto iznosu od 7.888,02 KM. Dalje je izjavio da prijavljena potraživanja povjerilaca i troškovi postupka mogu biti u potpunosti isplaćeni iz stečajne mase, nakon čega bi preostao određeni iznos stečajne mase odnosno 2.291,80 KM. Prijedlog glavne diobe je ukupno ostvarena stečajna masa u iznosu od 12.484,47 KM, troškovi stečajnog postupka u iznosu od 9.028,97 KM, raspoloživa sredstva za glavnu diobu u iznosu od 3.455,50 KM, sredstva potrebna za isplatu povjeriocima u iznosu od 1.163,70 KM, te procent namirenja potraživanja povjerilaca prema prijedlogu iznosi 100%.

Punomoćnica stečajnog dužnika i punomoćnik povjerioca izjavili su da se ne protivi prijedlogu i saglasni su sa prijedlogom završne diobe.

Podneskom od 18.12.2024. godine stečajni upravnik je obavijestio sud da je izvršio plaćanje stečajnom povjeriocu Uprava za indirektno oporezivanje u iznosu od 684,86 KM i stečajnom povjeriocu Porezna uprava F BiH, Kantonalni porezni ured Zenica u iznosu od 478,84 KM, uz saglasnost da se ne treba raditi revizija završnog računa, a stanje stečajne mase na dan sačinjavanja izvještaja je novčana sredstva na računu 11.096,62 KM i potraživanja od kupaca 26.857,82 KM, podjelu novčanih sredstava, te dostavio dokaze o utrošku novčanih sredstava predviđenih za glavnu diobu.

Kako je stečajnom upravniku data saglasnost za završnu diobu i kako je stečajni upravnik izvršio namirenje povjerioca u cjelosti, o čemu je sudu dostavio dokaz uplatnice od 22.11.2024. godine, te izjavio da se iz preostalog iznosa mogu namiriti troškovi stečajnog postupka i dugovi stečajne mase, da na prijedlog za završnu diobu nije bilo prigovora povjerioca i kako je izvršena podjela sredstava predviđenih za istu, sud je u skladu sa članom 190. i 204. Zakona o stečaju („Službene novine F BiH”, broj: 53/21) donio rješenje kao u izreci.

PRAVNA POUKA:

Protiv ovog rješenja stečajni povjerioci i stečajni dužnik imaju pravo žalbe, u roku od 8 dana od dana objavljivanja u „Službenim novinama F BiH“, Kantonalnom sudu u Zenici putem ovog suda.

Stečajni sudija

Samra Spahić-Drino, s.r.